

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



საია გმობს ჟურნალისტების მიმართ გახშირებული ფიზიკური ანგარიშსწორების და ზეწოლის ფაქტებს

საია ეხმაურება 5 მაისს დილით საზოგადოებრივი მაუწყებლის შენობასთან მომხდარ ინციდენტს, სადაც პირველი არხის ჟურნალისტს ნიკა ავალიანს მომიტინგეები ფიზიკურად გაუსწორდნენ.

ახალგაზრდა იურისტთა ასოციაცია გმობს ჟურნალისტებზე გახშირებული

თავდასნობის ფაქტებს და მოუწოდებს რედაქციის ლიდერებს, საჯაროდ დაეგონ

მსგავსი ქმედებები და დაუყოვნებლივ უზრუნველყონ საკუთარი მომხრეების კანონიერ

ს. კახიძის #15, თბილისი, საქართველო, 0102 • ტელ: (995 32) 95 23 53; ფაქსი: (995 32) 92 32 11; ელ-ფოსტა: gyla@gyla.ge; www.gyla.ge
23, J. Kakhidze str. #102, Tbilisi, Georgia. Tel: (995 32) 95 23 53; Fax: (995 32) 92 32 11; E-mail: gyla@gyla.ge; www.gyla.ge

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



ჩარჩოებში მოქმედება.

საქართველოს ახალგაზრდა იურისტთა ასოციაცია მიიჩნევს, რომ საზოგადოებრივი არხის საინფორმაციო სამსახური ხშირ შემთხვევაში არ ასრულებს საზოგადოების გარკვეული ნაწილის მოთხოვნას და ქვეყანაში მიმდინარე მოვლენებს არ აშუქებს სრულად, ობიექტურად და თანმიმდევრულად.

მიუხედავად ამისა, საია შეახსენებს ოპოზიციას მათ ვალდებულებას, დაიცვან წესრიგი აქციების მიმდინარეობისას და პასუხი აგონ თითოეული ადამიანის უსაფრთხოებაზე, იქნება ის აქციის მონაწილე, რიგითი გამვლელი თუ ჟურნალისტი, რომელიც მათი აზრით „არასწორად აშუქებს მოვლენებს“.

ასევე, საქართველოს ახალგაზრდა იურისტთა ასოციაცია ეხმაურება ტელეკომპანია „იმედის“ ჟურნალისტების მიერ გაკეთებულ განცხადებას, რომელშიც ისინი მათ მიმართ განხორციელებულ ცენზურას აპროტესტებენ და არხის ხელმძღვანელობას თავისუფლად მუშაობის პირობებს სთხოვენ.

საია არაერთხელ ყოფილა ჟურნალისტების სარედაქციო დამოუკიდებლობის შეზღუდვის მომხრე. მარტო უკანასკნელი ორი თვის განმავლობაში ტელეკომპანია „იმედის“ ეთერში დაიბლოკა სამი სიუჟეტი, სადაც საქართველოს ახალგაზრდა იურისტთა ასოციაციის იურისტები ექსპერტების სახით იყვნენ წარმოდგენილნი. სამწუხაროდ, საია მოკლებული იყო შესაძლებლობას, ჟურნალისტების თანხმობის გარეშე, მათი დამოუკიდებლობის შეზღუდვის ფაქტებზე გაეკეთებინა საჯარო განცხადება.

გემოაღნიშნულიდან გამომდინარე, საქართველოს ახალგაზრდა იურისტთა ასოციაცია მოუწოდებს:

ოპოზიციას – შეწყვიტოს ჟურნალისტების შეურაცხყოფა და საჯაროდ დაგმოს მათი ზოგიერთი მომხრის მიერ ჟურნალისტების მიმართ გახშირებული თავდასხმის ფაქტები.

ხელისუფლებას – შეწყვიტოს მედია საშუალებების სარედაქციო დამოუკიდებლობაში ჩარევა, რაც დადებითად იმოქმედებს ქვეყანაში შექმნილი კრიზისული სიტუაციის განმუხტვაზე.